

Headline	Meter pintar seluruh Lembah Klang tahun depan		
MediaTitle	Harian Metro		
Date	15 May 2019	Language	Malay
Circulation	112,705	Readership	338,115
Section	Bisnes	Page No	30
ArticleSize	112 cm ²	Journalist	N/A
PR Value	RM 13,185		



Meter pintar seluruh Lembah Klang tahun depan

Kuala Lumpur: Tenaga Nasional Berhad (TNB) menjangkakan pelaksanaan meter pintar di seluruh Lembah Klang akan bermula tahun depan.

Ketua Pegawai Eksekutifnya, Amir Hamzah Azizan berkata, TNB dalam fasa akhir bagi membuat persiapan terbabit.

Katanya, projek perintis meter pintar di Melaka mendapat sambutan positif pengguna.

“Meter pintar memberi pengguna pengiraan penggunaan elektrik yang lebih

tepat dan telus.

“Kami memulakan penggunaan meter pintar di Melaka dan kami melihat potensi dalam penggunaan meter pintar ini lebih luas.

“Kami juga mendengar mengenai isu yang timbul selepas pemasangan meter pintar namun TNB akan menyasat semua aduan terbabit,” katanya kepada media selepas Mesyuarat Agung Tahunan TNB di sini, semalam.

Menurutnya, TNB tidak mempunyai isu untuk mengatasi permasalahan

yang berlaku selepas memasang meter pintar dan akan menubuhkan pasukan khas untuk mengatasi isu ini.

Beliau berkata, penggunaan meter pintar dilaksanakan berikutan ia lebih efisien berbanding meter sebelum ini sehingga dapat merekod setiap kilowatt penggunaan elektrik.

Katanya, pemilik kediaman yang berdepan kenaikan bil elektrik luar biasa selepas penukaran meter pintar boleh mengemukakan aduan kepada Tenaga Nasional Berhad (TNB).